

列傳

忠烈

宋

王在武陵人端平進士治周禮真德秀知貢舉擢冠本經攝

施州城陷死之

統志

明

馮貴字孟敬武陵人建文庚辰進士爲兵科給事中從張輔
征交趾督兵餉遂擢交趾參政莅事明敏善撫流亡有土
兵千餘人驍勇善戰貴撫以恩數擊賊有功中官馬騏盡

常德府志

卷四十二

列傳忠烈

一

奪之黎利反貴以羸師數百禦賊於瑰縣力屈而死仁宗
時贈左布政使勅建忠臣坊以旌其門

明史陳洽傳

徐衡冲常德衛指揮從總督王三善征勦水西安邦彥衡冲
領兵戰甕城河死之立廟祀甕城河側

舊志

彭冲由貢例授廣東潮州府揭揚縣縣丞天順六年委撫下
嶺蓬都海口苗亂奮不顧身陣亡贈廸功郎蔭一子

縣志

伍瑞龍陽人維新子以鄉薦官督糧征苗靖節贈義烈

舊志

周嗣頤常德衛指揮崇禎元年有陵南賊劫桃源揚帆東下
頤率千戶李先開追之賊舍舟登岸眾寡不敵頤與先開
皆遇害事聞立祠同祀之族子命士崇禎庚辰進士歷官

兵科給事中闖賊之難不屈遇害

舊志

楊鷺字子容號弱水常德衛人歷官鴻臚寺卿因亂歸里獻賊至常德督卒宗族邑人盡力守城城陷爲獻賊所執不

屈見害

舊志

國朝通諡節愍

欽定勝朝殉節諸臣錄下全

羅應選桃源人天啓甲子舉人授柳州推官改補龍安政尙寬簡士民悅服獻賊入蜀肆掠應選嬰城拒守以死白誓

城陷舉家罹害

通志

國朝通諡節愍

萬國寧常德人永州教授夙以道誼自勵遇獻賊國寧責以

大義見殺

舊志

國朝

勅祀忠義祠

欽定勝朝殉節諸臣錄下全

陽時生字又中武陵人府學生素有氣節獻賊陷城爲所獲

常德府志

卷四十二

列傳忠烈

二

慷慨罵賊被害

舊志

國朝祀忠義

楊夢鼎字更生武陵縣學生獻賊至以舟奉母龍氏行賊追

至鼎呼其名大罵與母同磔江邊

舊志

國朝祀忠義

王大年武陵人府學生爲獻賊所縛厲聲大罵割耳鼻不止

至截兩手猶罵賊碎其尸

舊志

國朝祀忠義

柳三錫武陵諸生爲賊所獲先殺其妻繫其子脅之降三錫

厲聲曰生平讀書明理豈向汝求活耶且掣梃擊之賊怒

剖其腹而死

舊志

國朝祀忠義

季嗣先字創初號洗菴武陵人府學生有才名獻賊破常德爲所獲賊僞守周聖楷舊與嗣先交善力救之嗣先曰

節義文章成就在此無多言與弟嗣宗俱延頸受戮舊志釋

性因按性因即明末給事中金堡隱於僧季秀才傳曰嗣先幼聰明軼羣事

母最孝友於兩穉弟撫之成立無間言好讀書重然諾輕財樂施未嘗以詞色加人人無不愛且敬者庚午已飛而復戢八戰棘闈卒不克每曰士當知身後事耳豈功名富貴已乎遊八閩涉三吳遇佳山水放懷詩酒益落拓不事家事戒子勿近阿堵曰此物能黑人眼汝曹謹避之大學士楊嗣昌出督師厚幣延之使三子北面爲弟子嗣昌聲勢赫奕一時嗣先介馬而馳所遇官吏望風一見顏色每以餽遺介紹進者悉峻拒不受入夷陵幕中語不及私嗣

常德府志

卷四十二

列傳忠烈

又二

昌曰卿故不易衣食者然經世之士憂先宗社何不勉就一官與我同心辦賊乎嗣先顧笑且謝三月許即辭歸語人曰楊公有才而少度恐未易成功若側翅依人坐觀勝敗非吾志也癸未冬張賊陷常德嗣先初畫策城守城守者已畫策走遂被執僞知府周聖楷將救之使所親道意指嗣先是楊氏戚屬且爲口賊詰之不對脅以刃怒罵曰吾秀才讀聖賢書知忠孝大義豈賣友求生者遂遇害弟嗣宗不忍去同遇害嗚乎人屬有患難當小得喪不難嫁禍自全終不以生身易死友豈非烈丈夫哉子渾官大行

□闕上書陳大節既奉

□旨遭兩粵大變竄身蠻峒抗志不屈越歲餘來石幢備述梗概因爲傳之初嗣先在夷陵幕府嗣昌當斬一愛將謂曰是偉男子也以法故不能不割愛卿試從壁衣中覘之適有獻生功七十二者因謂楊曰誠然偉男子也但吾觀七十二人皆村氓公無濫殺楊遂命審實釋之以片言活七十二人而卒死於兵豈種芝得棘者然以書生擔荷名教視死如歸其不肯自陷爲賊之心卽其不肯陷七十二人爲賊之心安得與脰亘同斷耶 國朝祀忠義

按殉節諸人通志簡畧事由不具有傳聞異辭者仍錄

常德府志

卷四十二

列傳忠烈

三

舊志以備稽攷

熊應鵬字伯羽武陵諸生父正舉歲貢生不仕母曰瞽年八十二爲賊所獲應鵬請免其母願以身代賊竟殺應鵬而

置其母

舊志

國朝祀忠義

彭永春武陵人九江衛經歷左良玉兵至冠帶焚署與男女

六人俱死之

舊志

國朝祀忠義

周笏武陵諸生與妻譚氏爲獻賊所執夫婦皆大罵被害

舊志

國朝祀笏忠義

唐心堯武陵諸生紹堯季弟獻賊陷常德與同學柳三錫段光啟七十餘人禦之被執罵賊死其子諫謹俱隨之殉難

家人得其尸面如生季子論字約言邑增生湖廣通志按□□

氏譜贊云心公叔祖正氣天生諸生殉國愧及公卿諫謹隨之卞氏齊芬中有季子藝苑蜚聲

柳之彥武陵邑庠生孝子紀之孫也為獻賊所執欲降之之

彥曰求忠臣于孝子之門豈有祖父受旌而子孫屈膝從

賊者乎賊怒斷手割鼻抉睛罵不絕口死 國朝祀忠義

丁昌期武陵諸生遇賊于路令之跪大罵不屈死舊志 國朝

祀忠義

龍賓字君穆德謙子郡諸生流寇剽劫常德賓散家資集同

鄉倡義抗禦失機被執脅降不屈遇害龍氏譜

趙可選字仲穎龍陽人暑不褻服喪不釋衰有古君子風嘗

常德府志 卷四十二 列傳忠烈 又三

讀書枉山羣彥師事之崇正末罵賊死舊志

劉國會字東之武陵人領天啟丁卯鄉薦耿介不阿任商邱

遭變慷慨死義通志

丁尙將常德人任衛指揮使為獻賊所獲不屈抱印而死通志

郭齊雲常德人任本郡鄉官效死守城獻賊獲之厲聲大罵

賊殺之血濺賊面尸猶不仆通志

張維翰武陵庠生遇賊於道大罵同人禁之翰拂然曰白七

歲讀書便知此賊如蠱尾蟒舌犯則必傷吾寧罵之以伸

正氣不向彼求活語未絕而賊已馘其首 國朝祀忠義

段光啟武陵諸生與邑人守城不克偕弟光遠行賊騎數十

追之光遠手利刃步鬪連殺數賊賊返走光啟追之被執
光遠奔救遇他賊格戰不得前光啟罵不絕口遂被害光
遠病憤力戰不支乃還保其孥遁去

統志

黎夢庚武陵庠生崇禎癸未賊據澧州屢犯邑界庚督團兵
禦之被執不屈而死

縣志

羅三才武陵庠生攜妻子避獻賊與相遇才挺身罵賊賊窺
婦貌欲殺三才其子以身翼之賊即殺其子婦曰賊心不
良欲殺夫以圖妾妾豈忍陷君不如妾先死遂躍入水中
三才亦隨躍入水死

舊志

國朝祀忠義

石之琨字元美武陵人博學有才著文甚富自號逸民父子

常德府志

卷四十二

列傳忠烈

四

俱死獻賊之難

舊志

湖廣撫臣何騰蛟請旌疏看得獻賊蹂躪楚疆客歲十一

月

癸未十一月廿六日賊破常德

澧常繼陷人民居室一空屍枕江濤血

流溪壑痛心切齒未有甚於常武者也據該道詳稱各紳
衿男婦殉難甚眾故閣部鄉官楊嗣昌之家受禍獨慘一
時城陷不免於九地之人六世祖瑩莫保守一抔之土總
之閣臣讐賊甚故賊讐閣臣亦甚禍愈慘而忠愈烈不必
爲閣臣慟也現任鄉官順天巡撫楊鶚之封妻鄭氏生長
將門伉儷名家當賊鋒逼城之時乃能倡率妾婢樊氏陳
氏子嗣遠等守城效死節之義較之抱頭鼠竄者何其□

及臨難高不屈之風較之甘心受辱者何其烈至樊氏陳氏心同欲碎魂依鹿嶺之雲賊逼益慘血酒陽山之竹暨鶚之兄鄉官鴻臚寺卿楊鷺與鶚之三子諸僕相對而盡真可謂慘極烈極矣使守城文武官員目擊此光景寧不愧死無地哉一日之正氣堪傷千古之綱常攸繫亟宜旌揚以勵風化所有紳衿男婦如郭齊雲等該道造冊昭若列星諸人義本性成原無貴賤恩隨天普豈畧細微均當勅部察冊分別闡揚以表幽魂

傅作霖字潤生武陵人舉崇正壬午仕唐王大學士蘓觀生奏爲職方主事監紀其軍觀生沒倚何騰蛟長沙改監軍

富德府志

卷四十二

列傳忠烈

五

御史永明王在全州超拜兵部左侍郎掌部事尋進尙書從至武岡時劉承允擅政作霖與相善故驟遷及大兵逼武岡承允議迎降作霖勃然責之承允遣使納款大兵入城作霖冠帶坐堂上承久力勸之降不從遂被殺妾

鄭有殊色被執驅之過橋躍入水中死之

明史 傅氏家譜 恭順王孔

德執作霖欲生降之不屈王壯其忠命校卒短刀刺

勅建忠臣祠少忠肅廢子允漸秘書郎歷滇黔吳豫

魯求作霖奏議詩文欲上之以史館 國朝通諡

唐誼字正之年十四父紹堯櫻魏璫下獄誼負鑽都門

人稱孝子考授司李未任隨父宦汝南秦中

孤幼誼佐治功多明季擾亂仲弟誠起義兵勤王誼奉母
保神龍關鎮闖馬蛟麟偵得之舉兵圍襲全家被執勒令
作書招誠誼草絕命詞一首投筆大罵遂見殺數日家人
獲其尸面如生弟訪字周之號汲菴紹堯三子寄籍廣西
桂林中崇禎壬午領解巡按黃錫袞吏部瞿式耜見其五
策嘆爲奇才謂海內僅見特疏入告授翰林院庶吉士管
制誥備顧問上六代中興法戒書奉勅入楚聯絡勳鎮何
騰蛟等父喪守制遂痛哭祝髮以終通志萬曆四十五年
丁巳十月朔二日和尙築食苦菴成乃告母兄及妻妾并告日
爲戊子春元旦和尙築食苦菴成乃告母兄及妻妾并告日
友人自今有髮呼我食苦尺鬚兼遂面以白微鰲目能視數
記曰和尙有髮呼我食苦尺鬚兼遂面以白微鰲目能視數

常德府志

卷四十二

列傳忠烈

六

十丈以外孟東野過絲之野善馬哭如在觸卽哭如數日善作鬼語
視李長吉四顧事如深塹大壑如鼎子鋸交加如廢墟如魘以是
人論張四顧事如深塹大壑如鼎子鋸交加如廢墟如魘以是
時周張四顧事如深塹大壑如鼎子鋸交加如廢墟如魘以是
益哭聲吞喉咽哭返楚賦和尙記華山訪侯羸豫一讓墓弔再
歷吳越晉趙閩粵返楚賦和尙記華山訪侯羸豫一讓墓弔再
姑蘓舟不返屈五湖之歸帝子亦名得山賦喜獨遊陀遊不敢雪南
面漁舟不返屈五湖之歸帝子亦名得山賦喜獨遊陀遊不敢雪南
遊雷遊石喜蠢僧瓦瘦無語猿啼對古大石勝跡喜卧佛閣反
鎖鬼叩遊門飢鼠竄瓦瘦無語猿啼對古大石勝跡喜卧佛閣反
遇牽其裾平反伸其獄不受蹶古已甚和尙所遭尙未苦有艾歲遭
父冤中遭刑已伸其獄不受蹶古已甚和尙所遭尙未苦有艾歲遭
和尙愛築菴凡遇山語佳處誅茅然後置菴洗石扶石起
立對立如菴與揖與談語與默坐然後置菴洗石扶石起
日壁且厭別徒如前水汨和尙膝卜食苔上枕菴虫和尙猶和尙
也誰謂去苦不厭目如猖客走又惡知和尙之堪用心和尙哉菴前志
高竹數木短竹百數白鳴一菴足跛水菴後二峻嶺來無人二有溪木客菴
合去復分野無算白鳴一菴足跛水菴後二峻嶺來無人二有溪木客菴

有大猿時似老翁起白窮二貓苦茶十二瓿酒無算詩或
白口無算和尙早起白鉢相兒往來唱和無算和尙夏
雲奔雷走電十首喜怒將相兒往來唱和無算和尙夏
斷三十二歲以後有菴足居有九日寒飽有詩酒足樂
和尚有以自老矣元且後六十九日寒飽有詩酒足樂

楊芳龍陽貢生從教諭劉孔暉崇正間至新鄭壬午春正月
十二日被賊執至朱仙鎮欲屈之大罵遇害芳與邑人鍾

寬並殉難通志劉同升傳

鄧忠字宇宙寧桃源人爲人精悍猛毅力能拔止鬪牛崇正
十六年鄉官羅名臣羅其鼎團練鄉勇禦流賊以忠字爲
長每一決戰忠字輒奮勇爭先俘馘獨眾賊畏如虎十七
年同官兵進圍澧州賊幾成擒官兵受賄逸賊忠字忿極

常德府志

卷四十二 列傳忠烈

七

不食數白銳遂怯十八年悍帥縱卒破團兵忠字力戰八
九日碎身而死名臣等哭以詩文時同團向日昇黎民望皆有勇畧以哭鄧而

皮以文字二監沅江諸生素敦孝友獻賊犯境所至猖獗以
文散家財撫眾倡議禦賊不克死之縣新志

謹按

欽定勝朝殉節諸臣錄桂王殉節諸臣通諡忠節兵部尙書武
陵傳作霖寇難殉節通諡烈愍攝武陵縣事永明蔣道
亨通諡節愍常德同知臨安朱國治上林苑監正武陵
楊鷺龍安知縣桃源羅應選福王殉節入忠義祠職官
九江衛經歷武陵彭永春寇難殉節入祠職官永州教

授武陵萬國寧桂王殉節入祠士民武陵生員季嗣先
楊時生王大年柳三錫丁昌期熊應鵬楊夢鼎張維翰
羅三才寇難殉節入祠士民武陵生員周笏柳之彥
聖朝褒忠之典至矣外有各志已載暨見於別籍者雖 褒
榮未及並附錄之不敢以傳聞致疑也

國朝

茹傑字漢三武陵人康熙乙酉拔貢雍正二年選雲南烏蒙
後改昭通恩安縣丞雍正七年題署知縣值蠻變運餉被劫以
身殉難事聞

予恤典回櫬蔭子奎文太學生學冊

常德府志

卷四十二

列傳忠烈

八

葉攀鳳武陵人任四川督標右營守備乾隆六十年征黔楚
苗匪攻撮木營等處有功題 奏賞戴藍翎陞四川松潘
鎮標右營都司旋攻大烏草河奮勇陣亡 部議准卹併
給世職祀昭忠祠子肇慶承襲 營冊下同

朱慶錦永綏協守備何四海鎮箬中營外委劉大升澧州營
外委俱武陵人由行伍拔補乾隆六十年征苗慶錦四海
攻鴉酋寨陣亡舉家靖節 部議恤賞世襲雲騎尉大升
攻董蕩陣亡准恤給世職並祀昭忠祠

張 棟鎮箬鎮守備劉建義九溪營千總武陵人俱由行伍
杖補嘉慶三年征苗匪棟攻破晒金塘陣亡 部議賞恤

世襲雲騎尉建義征苗陣亡賞恤給世職並祀昭忠□□
羅宗禮襄陽穀城守備吳經國山東壽樂營郡司王萬□□
標左營守備張和年均房營外委俱武陵人由行伍拔補
嘉慶二年征教匪宗禮在巴安高梁寨與賊戰陣亡給世
襲經國嘉慶三年在西鄉縣雙泉卡陣亡給騎尉世職和
年在四川達州之麻榴場勦賊陣亡萬岱以嘉慶六年在
竹山縣之潘口奮勇戰賊陣亡並議賞恤給世職祀昭忠
祠

燕福寧武陵人由行伍拔補宜昌鎮經制外委在墊口縣拔
子山陣亡賞恤給世職弟福祥承襲祀昭忠祠

常德府志

卷四十二

列傳忠烈

九

謝永見汪大志乾隆六十年充鄉勇隨官兵勦捕教匪陣亡
郭啟聖等五人充鄉勇勦捕苗匪陣亡鍾占魁羅同仁等
十人嘉慶元年充鄉勇攻克各處隨同官兵打仗陣亡俱

武陵人入祀昭忠祠

按諸人悉列名忠烈表內龍陽桃源全

萬年春桃源人由武科補九江千總奉調勦教匪陣亡 部
議賞恤銀三十兩廕子七品監以把總用祀昭忠祠

賀天貴桃源人充鄉勇勦賊有功賞戴藍翎隨同 大兵□
勦教匪嘉慶八年攻賊於太平廳陣亡子襲雲騎尉□□
騎尉罔替祀昭忠祠

□□富等十一人俱龍陽人乾隆六十年由行伍□□□□

□□勦苗匪陣亡 部議賞恤入祀昭忠祠

周朝義等九人俱龍陽人嘉慶三四年間奉調出師湖北勦教匪陣亡 部議賞恤入祀昭忠祠

向子臣等五人俱乾隆六十年以鄉勇隨官兵征苗攻克丑沈陣亡金昌盛等六人攻黃連坡陣亡張正爵等四人攻克河溪陣亡郭士宏等四人攻克大角埧陣亡許以文等八人攻克平隴養牛塘貴魚坡陣亡李百寧等四人攻克石隆寨斬首逆石柳鄧陣亡俱龍陽人入祀昭忠祠

孝友

南齊

常德府志

卷四十二

列傳孝友

十

邵榮興武陵人八世同居建元元年詔旌表門閭蠲稅租齊書

文獻叔武陵人八世同居同隴范安祖李聖伯范道根五世

同居建元三年大使巡行天下俱表門閭蠲稅租南齊書

明

馮贇字孟禮武陵人父邁疾朝夕省視衣不解帶疾亟籲天祈以身代聞股肉可愈疾卽割股煮液以進親果愈繼母孟氏生子贇欲攜之異居贇泣留之以子維貴封郎中商

撰墓誌

史文林龍陽人母孫氏孀居文林竭力養母得以全節受□

縣志

史清字一之龍陽人竭力事繼母撫育遺弟割己田與之

志縣

唐泉常德衛人性謹厚父有養子泉讓產與之歲稔煮粥以啖飢者尤喜助人婚喪以子練貴封御史有司請謁逃匿村中子姓強之曰封官原非實安能一旦與羣縉紳出口

邪七舉鄉飲賓不赴年八十

志通

談錄武陵人自祖隆以下曰文亮曰興曰惟福曰志貴曰仲文至錄十世同居成化間有司以聞詔旌其門子孫累傳

猶守其訓不變

志總

柳汝霖武陵人年十歲母疾垂危父亦抱病醫罔效汝霖夜視天割股雜他肉以進父卽愈母因思前肉汝霖創甚引

常德府志

卷四十二

列傳孝友

十一

刀不能舉嚙肉以進母亦愈復於路拾遺金候失者三日乃至封識如故還之其人欲分半以酬固却不受臬使給

額孝義可風

志舊

賈堂沅江人由族貢任廣東鹽課提舉篤學力行事繼母曲探所欲預爲營集以慰其心奉庶母如其母庶妹貧迎歸並膳其壻族人不能成殮者輒助棺衾道院歷予旌獎

志舊

劉子文常德衛人村居家貧母疾不愈割股以進鄰里詣報

本衛驗視旌獎

志舊

石瑗武陵人瑗十世祖廷河訓約子孫同爨至瑗族益繁衍孫偉鼎益守其訓敦尙禮讓長幼無間言知府陸□屢造

其廬奏瑗家十世同居敦睦可風詔建坊表之并復其家

志總

胡順明桃源人總角時母病父遠出順明日侍湯藥私禱於神割股肉以進母病以痊縣合申請提學補諸生志□

李僑桃源人勝之子善事父母貢入北雍事將竣間生母病遄歸抵家母方卒人以爲誠孝隆慶初祠鄉賢志舊

李迪沅江廩生幼失父事母最孝庶母王氏左氏亦曲爲承順知縣申請院道交行旌獎志舊

王偕字□時龍陽人事母孝撫□庶弟及長以產歸之年荒有鬻妻者偕捐金全之以萬歷恩貢任德陽訓導門生朱

常德府志

卷四十二

列傳孝友

十二

某補廩尋卒偕哭之返其贄儀終於官幾不能還櫬德陽紳士立石以志不忘志舊

青宗堯龍陽人惠烈八世孫事親之節尤著晨餐夕膳無時不侍左右其母終築室墓門草土荒煙與狐兔爲伍不自恤侍父疾衣不解帶同寢處者三年史贊舜忠孝堂記

陰觀光龍陽人事二親暨節祖母萬氏有孝行友愛異母弟崇正六年巡按白訪實給匾旌之前後額其門者五有曰孝感天人邑士皆爲詩文紀之里中有陰善人之稱志縣

劉斗桃源人嘉靖間廩生事親誠謹葬父營石槨人稱其孝袁寵沅江人孝事其親□鄰和族一鄉皆稱善士屢舉鄉飲

賓俱全

崔國楚龍陽人業儒未就性孝友父武病篤割左股食之立愈母許氏病復割右股鄉里請旌辭隱不出

雷炤龍陽人少失怙事母孝廬墓三載每生忌辰輒露宿廬外虎至炤泣且拜虎退去年逾八旬里人稱爲孝老

達惟德沅江人割股愈母隆慶間道府申獎

舊志

鮑啟允常德衛人年十六失怙家貧竭力養母有四弟撫之皆列青衿母年八十四府道廉其事屢給扁旌獎

全上

金子宜武陵人家貧母病危篤無以供藥餌乃割股啖之病卽痊可鄰右以事聞官式廬旌之

全上

常德府志

卷四十二

列傳孝友

十三

廖儼字民望龍陽人年十三廩於庠母卒父不再娶儼侍寢食以孝稱遊太學大司成改容禮之有聲譽復領鄉薦不仕人稱龍潭先生

縣志

李聞譽武陵人事繼母人以孝稱處事忠厚鄉里重之贈號德元子開早純篤好學領鄉薦登順治戊戌進士人以爲

積德之遺

舊志

羅尙質字文源武陵人敦孝友讓產與兄弟父病疽跪而吮之捐千金修城隍廟獻賊殺戮之後捐貲殮屍數千築大

塚以葬之

通志

鄧伯榮號益菴龍陽人二弟早逝榮撫育諸孤視如己子先

人所貽第宅盡以歸之嘗得遺金一封揭還其人醜人蔣
信志其墓

縣志

陶得仁龍陽節婦陶譚氏之子年六十耄矣每念母氏節苦
卽淚淫淫不可收永慕繾綣不啻赤子人曰母子一氣節
孝一理今母以節殉其夫子以孝殉其母

陳一能記

國朝

唐祚培武陵人紹堯孫康熙壬子選貢生三歲而孤明季遭
流寇邑里蕩析無所倚籍祚培力學不倦敦篤孝友奉孀
母譚左右就養一門孤寡藉以生金康熙三十五年以孝
行請旌

通志

子待聘康熙拔貢安化教諭待徵見篤行

常德府志

卷四十二

列傳孝友

十四

文公遠武陵洩陂里人家世淳樸克敦孝友子姓同居者五

世治家勤儉一門雍睦

增輯

戴瑞武陵人有弟早天遺孤二爲撫恤教讀婚配如己出弟
婦欲析箸瑞以田產器物美好者與之而自取惡朽募建
德山石橋所行多義舉子孫衣衿稱盛

梁朝南武陵諸生竭力事母年五十孺慕不衰邑令王獎之
曠文攸武陵漁人也四世同居至八十餘口不析箸主家者
嚴而有法子弟無私蓄婦生子娣姒互乳之一門和順

屠彙徵武陵人醜廩生篤學不倦以孝稱迭遭父母祖母喪

九載居倚廬手錄古孝子集二十卷

全上

□登笏戴如勝武陵人皆母病足登笏甫十歲溫清曲得其歡歷二十年如勝扶持起卧積久不倦母卒廬墓三年彭舜年字百有逢年弟乾隆辛酉貢生家貧母病足寒冱時愈劇有告以大金色鯉烹食可痊者遂敲凌冰求之卽得自舍旁潢潦中以供母沉疴頓起選寧遠訓導終於署惟呼父母他無所問

陳詩潯字漢槎武陵諸生少孤知孝母有夙疾潯飲食醫藥以時進疾尋愈母卒蔬食終制哀毀逾常其伯父別遷貧落潯讓宅請還居季母晚失子遂終養之友愛羣從時卹其困乏中年更號潛壑從遊者執業之暇卽令習禮辨析

常德府志

卷四十二

列傳孝友

十五

其度數升降之節著周易原象等書

楊日泗字聖源武陵人家貧力學舌耕閭左夜必歸省母母手足不仁喜至親鄰家輒束帶扱襟負以往時以園蔬易母所嗜者奉焉母歿年九十六日泗竟以毀卒

雷正明武陵人以餅餌爲業母孀而瞽性卞急好潔正明每鷄鳴輒進所需所交屢勸之聚以事母不洽竟休去母終又數年而後娶

蕭仁哲彭大貞武陵人仁哲力耕供母母病痿痺□盡□□大貞以服賈供母至老猶□湍清母年皆八十□□□張文熾武陵人母病醫無□□□□神□股□□□□

二年也鄰里以事聞道府給額孝出真誠舊志俱下

聶愈遠字居一武陵人家貧好學極力養母母病不治割股

以進遂痊母年九十餘舊志

丁士宏武陵人父病革醫告技殫宏剝股和粥糜進卽愈

龔世紅余鼎魁武陵人皆母病篤潛禱里寺中剝股和藥獲

愈龔後見左股創痕余以刺股時寺僧救護眾兢異之

胡舜裔武陵人割股愈母病子希伸亦割股愈母病同里羅

學林家貧治絲供母母病噎亦割股獲瘳

董尙韜李毓秀皆業儒武陵人母病篤割股以療旋瘳久之

傷痕猶在毓秀暮年言及二親猶復垂涕

常德府志

卷四十二

列傳孝友

十六

阮世永陳學謨袁如騫黃正應武陵人皆父母病篤不治割

股或煎湯及雜藥味以進輒愈人稱其孝俱增

鄢繼倫桃源庠生早失母父不續娶父病倫嘗惡以驗刺血

疏禱於神願減己年以益父偶夜行遇虎忽一老人叱虎

去因導倫歸隱隱有光燭路人以爲孝感續縣志

朱珍桃源郡庠善事繼母母偶加怒必跪受之有疾侍湯藥

泣求身代人稱其孝

張洪桃源人母多病覓工代耕侍養十餘年母没□□□□

□□□□云

□□桃源諸生事親誠謹□父營石□人稱其□

宋本孔桃源貢生養親不離左右選訓導以母老辭檄不赴
王文桃源人繼母彭待之嚴文善事之怒則負杖請責彭患
疽文吮之而愈復患目疾舌舐之復明弟淳彭出也強文
析箸未數載業罄分己產資之淳沒遺姪二歲撫之如己
子學使習給義篤友恭額彭卒年九十六文竟以毀卒
馮萬年桃源諸生母有痼疾萬年服事積三十年人稱其孝
李芳年桃源人幼出嗣叔父叔自生子父招芳年歸終事叔
如父勤苦起家豐於叔叔故分產以予叔子

胡宏任字克容龍陽人同弟庠生宏文篤事其親業岐黃治
人病痊不索謝資母沒柩未殯適鄰舍火發任撫柩痛哭

常德府志

卷四十二

列傳孝友

十七

誓與俱焚頃之天忽反風火滅任屋無損人以爲孝感

周有德字克明龍陽人善事繼母母病偕妻侍湯藥不倦母
死德以哀毀卒異母弟欲與俱死因救乃免

梅如璫字桓生龍陽庠生行己嚴正人有忿爭璫以理論隨
卽解散堂姪國祚死遺一子撫之成立給以田宅姪國經
久析居落其家旋沒撫其子不異己孫人稱其義

彭述基字尙友龍陽庠生兄弟久析居適年荒兩弟計遷蜀
基留之不聽踰數年基家漸豐間道走弟所攜歸復兄弟
同爨不有私財終身友愛不衰

譙衿沅江諸生明正德時至衿凡七世同居合爨本支一百

十九人衿以祖命主家事每食男女異席終事無譁積二百餘年喪祭無失禮值鄰家火起衿兄弟先入祠堂抱神主避火火隨息家畜耕牛每出入亦以齒相先後在牧地行列不亂作家訓二十條子孫咸遵守之雍正十年詳請旌表

御書額曰世篤仁風

通志

譙國舉字同升歲貢生義門九世孫幼失恃事父及繼母凡食物果實之屬父母未嘗不先食父母沒廬墓三年哀毀骨立感及行路舉孝廉方正 恩賜六品頂戴以親老不仕仍應歲科試每學使見之輒改容稱爲孝隱

常德府志

卷四十二

列傳孝友

十八

劉嶽沅江人自幼以孝聞母病嶽自館所歸躬省藥物衣不解帶者累月母沒嶽哀毀嘔血數升尋卒時年二十邑令秦人藩贈額旌之

祝鳳舞字朝陽沅江人髫庠生績學能文以父母年老不敢刻離課徒於室之東亭朝夕問視真摯之情溢於顏色父沒赴葬由水路扶柩中途遇風舟危甚鳳舞撫棺號泣瞬息風滅三年之喪人無間言學使姚頤贈額

譙永昌沅江人出嗣叔父後五世不分箸男耕女織雍睦成風家貲窘乏每竭力急公倡先輸納人皆賢之

楊旭沅江監生生八月父故母彭氏撫之稍長知孝出告□

面視膳間寢如性生母年九十日必率兒童至母前爲歡鄰有慢其父者習見眦事母之孝頓爲感化

劉永福沅江廩生劉有恒之子幼時母病疽口吮其毒人稱爲孝孩兒母染廢疾飲食起居必躬親之逮喪旣葬哭泣墓所哀感行路

劉超遠沅江人年十六從師益邑忽夢人以父病告急收書而歸父果病服藥不效遠割服以進病小愈父思再食再進而痊學諭駱招入署中驗其股痕

劉巖沅江人母病臥不食巖亦廢食母察其情每將所進之食匿於他所繼母年九十餘巖事之如生母

常德府志

卷四十二

列傳孝友

十九

邊振文沅江人母病篤割股以進輒愈